

近代中國史料叢刊第二十六輯
沈雲龍主編

殷譜經侍郎自叙年譜

殷兆鏞撰

文海出版社印行

譜經亦子方十方歲小景

受業吳瑭敬題



殷家村第三子權字雄甫至元間治中易廉貞勳建臨溪橋夢神謂曰吾當
助子是夜雷雨大作崩石墜塊方如塚用之有餘橋上蓋屋四十餘間元
翰林程文爲記娶義井府南門曰殷公井開良千場灌田三千餘畝民歌曰
良田熟民不粥達魯花亦不花立碑子二再立字均樹愛鳳字均翔自是孫
曾蕃衍命名以文學守正宗光明宜自立世嗣思安全上義先繼美爲序石
汀公諱正茂嘉靖丁未進士仕至南北戶部尙書南京刑部尙書平漢定粵
功名尤著我吳江一支亦欽始祖允恭公後唯黃墟水師公夫子允之孫宗賢始遷黃墟徽州
宗譜皆未載自雄甫公以下派系莫攷當續博訪

八世祖諱士喬字侍橋明歛庠生祖父未詳天啓初由歛避水至吳江縣澄
湖濱隱居教授足跡罕至城市吾家舊藏王穉登先生貽公詩軸云白衣烏
帽碧雲鞋不踏紅塵走六街閉戶蕭然無一事焚香禮佛與長齋其高致可

想見遺詩五律二章見松陵詩徵前編八世祖妣翁氏咸豐時八世孫兆銓
於吳門市中以七百錢得殷自誠山水小輻跋云天啟四年春予游武林過
侍橋宗兄澄湖濱適朱白明先生亦在流連數夕主人出紙索畫爰爲點筆
以灑歲月宗弟自誠并記

朱白明其州
宗室知名士

七世祖諱子山字靜夫侍橋公長子明歛崖生黔兵之潛入新安而被戮也
當事怒甚將興巨獄公一再詣大吏白黔兵始末可疑狀雖不聽事亦旋息
嘗作楚游既隨侍橋公還澄湖濱家益落父子授徒不給炊爨公怡然曰貧
乃士之常貧而無失吾素操矣傷乎順治元年復遣兵焚遷長田入籍高濟
友先生爲作梅花書屋圖晚歲杜門陞則親密友稀得見者著一枝草今佚
五古二章五律一章摘句數聯見松陵詩徵前編七世祖妣汝氏
六世祖諱祥甫字瑞亭靜夫公第三子國學生六世祖妣徐氏

高祖諱世成字萬賢號棧菴瑞亭公子國學生以曾孫壽彭官

贈贈通奉大夫翰林院侍讀學士加四級高祖妣史氏潘氏皆夫人

曾祖諱文遠字桂芳號古愚萬賢公次子國學生以兆官累

贈光祿大夫 經筵講官戶部左侍郎加十級公以貿易恢基浚昌門祚曾祖妣

吳氏國學生諱佑逢公女陸氏處士諱來榮公女皆一品夫人

祖諱煥字潤謨號竹樓古愚公長子貢生乾隆五十一年由長田遷霞澤縣

平望鎮東溪湖以兆官累

贈光祿大夫 經筵講官戶部左侍郎加十級祖妣周氏國學生諱虬龍公女一

品夫人竹樓公善書臂力絕倫借周夫人創造經營恢宏堂構督課先伯父

先考先本生考病中屬徐球繪傳經圖洪稚存先生篆首並跋乾嘉以來名

流題詠甚富牛腰大卷燼於咸豐庚申之亂陸鶴瀟丈俊撰公墓志言公脩

眉長爪湛然澄靜蒐求古書不計值喜靖節詩柳州小記寒暑必手一編作
 書臨戲鴻堂渤海藏真晨起飯浴古硯數事曰鶴眼曰翠羽皆所寶貴也自
 爲銘云日耘日籽斤斤獨抱曰德曰才結鄰以老卒前三日侍疾者盡見高
 冠方袍類勝國人導從數十向公揖疾遂革

考諱垣字衡庭號愚田竹樓公次子國學生卒年二十二歲以

北補官累

贈光祿大夫 經筵講官戶部左侍郎加十級妣李氏震澤庠生樓閣公鵬飛女
 一品夫人

本生考諱增字隱庭號東溪竹樓公第三子貢生以

北補官累

贈光祿大夫 經筵講官戶部左侍郎加十級本生妣趙氏國學生西林公丕省
 女一品夫人東溪公五歲誦唐人絕句卽解四聲十五歲詠蟬五言爲時所
 稱因獻疾體應舉廷喜作詩好游名山水工寫花鳥家有宜雨樓藏書萬帙

手自校讐以疑義質者必與攷訂詳明吳穀人鮑漢飲廷博張鱸江士元鐵
甫諸先生每來借觀大開吟社有座上客常滿樽中酒不空氣象潘稼堂先
生遂初堂集刻板散佚爲補刊行世中年後患怔忡著述隨手失去輯松陵
詩徵前編續編見蘇州府志吳江縣志文苑傳孤鴻編詩四卷雜文及歷代
年號攷人沒譜載府縣志藝文類事先祖妣周夫人孝年四十猶依依膝下
如孩提擬先伯父遺孤待族黨故舊有恩誼爲人排難解紛視如已事嘉慶
甲子邑大饑鄉民賣妻鬻子賴公保全不少

嘉慶十一年丙寅十月一日戌時北編生於平望鎮東溪湖 時繼曾祖妣陸

夫人居長田年六十一歲祖妣周夫人年五十四歲妣李夫人年二十九歲

本生考東溪公年二十五歲本生妣趙夫人年二十二歲大姊年三歲

十二年丁卯二歲

十三年戊辰三歲三月十五日先祖竹樓公葬吳江縣東城壩四月四日辰時
先妣李夫人卒距生乾隆四十三年正月九日戌時年三十一歲先祖妣周
夫人痛先考妣之亡鞠鞠於編襍中出入起居必借疾病則撫摩噴啞課以
識字讀書有過則笞撻不少假期僅備至八月二十五日 父棟香公諱大
壘卒霞澤庠生以 光 官

隨附光祿大夫 經筵講官吏部右侍郎加八級伯母柳氏一品夫人遺腹二式
弟名兆鉅例室

欽此節孝李孺人出

十四年己巳四歲二月十八日二妹生四月本生考東溪公偕齋海門丈趙竹
安舅氏游武林著武林游草

十五年庚午五歲歲朝立春是年曾祖銀三關演義安加誦論本生考東溪公

見而資之與講小學諸書

十六年辛未六歲存入塾受業於沈懷亭先生兆林吳江庠生

十七年壬申七歲讀論語注問景公又多內嬖而不立太子是猶豫未定耶卿已有所廢置耶公子遂殺子赤遂字人名耶語助詞耶先生喜舉左傳皆之自後好竊窺左傳東溪公譙客或或隅坐客以松岡雪命對余應曰草上風又命以清風徐來應曰明月高照是年遂齋叔書入泮

十八年癸酉八歲二式弟入塾夏東溪公遭疾危甚誤投醫藥而祈緩城隍廟得大命終矣奈若何句慟哭公屢絕復甦自言魂已出門藉被白鬚翁喚回者適醫瀰以雪水遂漸愈

十九年甲戌九歲夏大旱地生毛冬侍東溪公展東城城祖塋公歸舟即景云野水夕陽人喚渡曲以寒煙古木鳥爭巢對東城墟一名鴨頭灣祖塋艮山

坤向兼寅申三分先伯父檢香公殯履室西阡先考世蕙田公率夫人殯黃

楊慎

二十年乙亥十歲學作五七言詩

二十一年丙子十一歲自庚午秋至是年冬讀千字文孝經夏小正爾雅四子書詩書易禮記周禮儀禮左傳唐詩三百首始讀制藝學作破承題起講東溪公命於正課外兼讀桐鏡易知錄昭明文選先是同邑袁樸村明經輯

松陵詩徵斷自

國初及乾隆間東溪公稽攷搜羅溯六朝迄明季爲前編十二卷是年刻竣吳穀人石琢堂陳笠帆諸先生序之復采樸村以後至今之詩爲續編未刊十二月二十五日卯時二弟兆銓字仲衡號選之生

二十二年丁丑十二歲自辛未至丙子皆受業於樸亭先生是年受業於唐味

竹先生以起吳江庠生淇深經術子梅溪廷來同學余
館子家三年是春三妹四妹相繼殤

二十三年戊寅十三歲春應震澤縣試夏府試冬院試皆往
一日時三弟兆衡字叔水生十一月東溪公偶患牙齦
愈

二十四年己卯十四歲時漕糧交納甚苦東溪公以積勞牙
松陵賦徵五月補刊潘稼堂先生選初堂集從張丈鉞雨
生集八卷爲四聘黎里蔡氏庚午舉人太常寺博士竹溪公
木菴丈來書樂見余文携示竹溪公選締姻爲適庭中有
子之瑞冬應縣府試自丁丑迄今予讀公毅國語圖策史
大家學始國賈治通級嘗夜誦書先生已就寢有人歷檢

大白鳥撲入以物擊之即滅告周夫人驚以爲凶然也卒無他異

二十五年庚辰十五歲受業於趙海香先生故吳江庠生館于家三十三載

赴春闈院試七月二十五日

仁宗將皇帝升遐冬從吳門錢君雲先生安學字教以由醴泉銘皇甫君碑入

手時有携宋捐醴泉銘求售點畫較近本稍肥王廬舟吏部程竹齋太史張

雲山大介題跋缺字皆廬舟粉筆填補索價甚昂後歸同川范氏又見吾里

王氏宋捐懷仁聖教序楊大瓢山人跋有千金易得此寶難求云云惜經落

水紙墨塗壞

道光元年辛巳十六歲王詰甫英來同學選之弟入塾存東溪公翠應縣

試馮丈柳東太史登府過吾家見試作賞之以所著種芸詞見贈自是畧解

倚聲心折隱書亭書於館二家四月朔日月合璧五星聯珠是夏與里中王

友杉其言沈蓮溪清吳斗查唐星山澹如諸君結文會祖妣周夫人東溪公命在家染恙應不許出外徵遂也五月十七日東溪公四十生辰親朋稱祝秋府試冬院試時學使考童生古學牛角挂書賦余素未作賦不與試於寓齋私搆一篇海香先生以語東溪公命讀六朝唐宋及

本朝館閣賦學製焉述齋叔是冬補廩比年大疫公虔施藥餌老友沈松坡丈亡無子爲營葬事

二年壬午十七歲春蘆墟吳氏出售金石碑版數篋囑看雲先生定價竊與觀焉時東溪公與里人士議復文昌閣未果二月邀先生游孫氏別墅賞菜花有與雲同然來不速聯四五句細侍往三月公偕王黻堂丈趙靜香竹安兩舅氏游吳門歸葺宅北小閣顏曰寄雲四月六日公夜夢人戒勿見客見則有禍次午江城徐北海季海過訪留與看雲先生酣飲宵分就寢八日卯

刻公陡患痰湧先本生妣趙夫人聞聲趨視已不能語遂卒距生乾隆四十
七年五月十七日申時年四十一歲殯鴨頭灣祖塋西阡郭頻伽張鱸江兩
先生撰墓志銘哀辭先是公自製輓聯云偶溯紅塵短夢愬愬沉蜨翅難遠
白髮長懸脈脈愧烏私又云休提第宅田園到此日撒手竟去本屬空花莫
念妻孥朋友從今後兩眼相看都成陌路卒前一日作寄雲閣記有今古無
常人生如寄等語五月九日遺腹五妹生六七月間先祖妣周夫人處置未
了事爲諸孫析產區畫井井山舉即病悉屏醫藥曰吾三子皆亡無心人世
矣八月十八日申時卒距生乾隆十八年九月四日申時年七十歲半載中
再遭大故嗚呼痛哉孤露餘生外侮叢集從弟本生胞弟俱幼責在一身成
勛于經學業冬偶代友人作周學使觀風漢高祖置酒沛宮擊筑歌大風賦
謝太傅出處事業論及古今體詩得題首取追念周夫人東溪公教習苦衷

不敢自棄嘗爲周夫人行畧今刻板及槧本俱佚

三年癸未十八歲春百庭叔入泮叔冰弟入塾一日張鱸江丈來余叩古文門
釋答云子可學也須熟讀史記兩漢書余問先生最尊震川震川何如答云
亦自史記漢書來夏秋江浙大水田盡淹沒震邑派余董辦荒政石西谷爲
作水災紀事圖十六幀不啻監門繪畫或撰以獻臬使林文忠公冬合憲先
祖妣周夫人於鴨頭灣啟兆穴有水弗克葬殯墳屋西書房時家運顛沛相
地者爭言祖塋不吉勸遷葬余未信迨通籍後爭言大吉矣

四年甲申十九歲春委員劉別駕文徵震邑宋明府錫來平望勸捐助賑應

吳江縣試劉明府元齡爲金門少宰子太賞余春蕙賦復面試紅千葉桃花
賦歎爲天才時論擬冠軍矣然未列前茅也夏府試歸與里中諸友結會課
五年乙酉二十歲春應院試三月元配蔡夫人來歸名蕙卿字紉香年十九歲

八月十三日偕往長田祝繼曾祖妣陸夫人八十壽辰觀燈模湖冬大姊適

蘇家港朱慶石

江城新橋

文廟

設松陵務院
全往應課

六年丙戌二十一歲在沈南一日書來同學南一少予二歲少負雋才工詞賦

及長治古文帖括非所好也與余交最善每上下古今事成敗得失人物文

章優劣夜分不休或至翹翹聞者竊笑三月應縣試四月府試九月院試接

家書聞蔡夫人晚雖飛擗歸所生女不育疾已亟十月五辰時卒距生嘉

慶十二年四月八日辰時年二十歲本生妣趙夫人命仍往應試學使吏部

右侍郎萬載辛筠谷先生世益正場文題此有人有人而注之江詩題自松

顛羔豚得菘字入蘇州府學第十六名覆試頭題且志曰陳代詩題白雲初

晴得時字是冬余有悼亡詩七絕百首後佚僅記上食并無小婢在開窗脫

有斷釵存二語

七年丁亥二十二歲春殯祭夫人於鴨頭灣祖塋東阡夏與里中諸友結會課
閱卷者震邑孫翹生明府枝秀冬繼配徐夫人來歸年二十三歲候選鹽運
司運判山德清遷嘉興竹窗公學第五女科試經古場賦題畫者謹髮而
易貌以銳精細巧必疎體統爲韻詩題白菊爲霜翻帶紫得霜字學使辛筠
谷先生極賞余賦以詩未完取蘇州府學第二名正案列一等第十六名補
廩膳生

八年戊子二十三歲存竹安舅氏吳瘦山丈游靈岩寫穰天平支硎寒山歸作
學使內閣學士海鹽朱虹舫先生方增觀風卷取超等一名秋偕王西山赴
金陵述齋叔取優貢第一名

九年己丑二十四歲二月歲試列二等從叔母黃氏素有痰疾是冬驟產憤賦
稱自繼孀子其弟受人主使誣余捐贖醜命震邑孫翹生明府斷令兆衡弟

嗣奉趙夫人寓江城月餘次年劉司馬始來權家訊詳銷案兆衡遂嗣階
三叔塚後

十年庚寅二十五歲春應紫陽書院外課中丞陶文毅公廉取超等院長石琢
堂先生尤賞余夾竹桃賦謁見爲言近代詩家暨科場風尙得失贈以楹聯
詩箋題先祖竹樓公傳經圖云文孫守家學勗哉志先勸四月與張子謙沈
南一郡城呀叙有茶寮話兩圖紀事南一作蘇若兩生行五月侍趙夫人至
吳門送竹安舅氏之官西蜀余與劉丈鐵崖司馬張吟樓別駕徐江帆明經
靜香舅氏餞諸山塘留仙閣鐵崖首唱七律同人和韻酒罷游孫武子白公
祠九月科試列一等第十名偕朱酉生陳月垞訪王丈椒畦孝廉蘇
易齋軒以縑紙乞畫

十一年辛卯二十六歲三月二妹適梅塢王雲琴之滿時程梓庭中丞排日面

試紫陽正誼書院士余與吳崧甫孝廉鍾默寫十三經見賞五月為脰湖
張水嬉親友咸集秋金陵大水改九月應鄉試歸家知是月十五日卯時長
女憶諱生徐夫人素有咯血症頻年小產至是病痾十月五日己時卒距生
嘉慶十年十二月十五日未時年二十七歲外姑江安人先一月卒祕莫使
夫人知猶留猶問母病愈否遺囑以憶諱許字徐石卿子傳經次年與蔡夫
人合殯鴨頭灣祖塋東阡余挽聯云倘逢前婦於九泉生同病死同月日此
際夙因誰解自對孺人纒四載我慣愁卿慣呻吟當時小別猶難二十九日
亥時繼曾祖妣陸夫人卒於長田距生乾隆十一年八月十三日戌時年八
十六歲

十二年壬辰二十七歲春歲試列三等選之弟侍趙夫人游武林余獨居夜坐
宜兩樓作書燭忽滅聞遠遠若鬼噓聲者七秋應鄉試述齋叔中式

十三年癸巳二十八歲春浙江戴杏南福建陳蓮峯兩司馬奉檄采買賑米過訪三月就婚嘉善縣配程夫人名亭芳字香翠年二十歲議叙道銜候選布政司理問素菴公學泐次女四月科試學使侯官廖鈺夫先生鴻取蘇太兩屬經古第六名正場以策尾

似文齋誤作雙拾列二等二十九日

孝慎成皇后升遐夏秋間偕里中諸友結會課閱卷者元和學楊緝甫廣文之是年逢賢叔考取國子監學正學錄

十四年甲午二十九歲三月十六日本生妣趙夫人五十生辰二十一日叔冰弟卒年十七歲未娶弟素有痰疾近感春瘟醫以爲痰迷也用虎睛等藥卒後多染此症者始知其誤夏爲程素庵外舅輯義莊規條代作碑記與里中諸友結會課閱徐春林作煙波釣漁讀書圖余性耽涉獵業尠專精經史外

好凍水通鑑蘇文忠集評

本朝諸作者學博莫如竹垞才大莫如隨園比年久困場屋讀小倉山房與孫
備之第二書有悟他親戚家作佛事觀俗僧舞花鉞不啻宜僚弄丸竊意天
下毫無情理之事尙能因熟生巧况文字耶取隆萬啓禎

國初及近時房稿闕墨閱至萬餘篇於明尤嗜金黃而項仲昭新機別調極利
搗摩

本朝熊劉三方尙已張曉樓集斯道大成詩中杜古文中韓書中魯公也名士
風流則推管絃若或問律賦何如余應之曰沂源當自闕成唐賦規矩可循
者多宋次之時賢以有正味齋蘭栢館爲最至館開賦猶之闕墨風會所趨
亦堪節取秋赴鄉試謁安徽學使沈鼎甫少司空下第歸益思發憤焉

十五年乙未三十歲二月會試列前三等游馬鞍山謁岳王祠劉龍洲墓三月

還之弟娶凌氏二十二日子時次女魁孫生五月爲湖水嬉此後杜門謝客
每橋一藝幾同長吉嗔心於近數科闕舉求其所以命中之處風雨小窗每
燈夜誦憶及先人厚望泪焚焚墮秋小病借王友杉蔡嶺香赴鄉試寓秦淮
河房兩君謂余文大進然意興蕭索強出泛莫愁湖登勝棊樓遊隨園頭場
文題君子不以言舉人柔遠人則四方歸之懷諸侯則天下畏之有安社稷
臣者以安社稷爲悅者也詩題江面山樓月照時得樓字榜發中式第八十
四名本房知州銜六合縣知縣海壽朱半塘先生恭座主內閣學士華陽
卓海帆先生秉翰林院編修襄陽單地山先生以冬合葬先祖妣周夫
人於鴨頭灣啓穴無水昔年果積潦耳惟十五載辛勤撫育不及見一第悲
夫

十六年丙申三十一歲春赴會試寓賈家胡同江震會館謁海帆地山兩座師

榜發同陸愛廣仲支仙南歸過十二連橋憶張丈鱸江詩家住五湖煙水裏
却來趙北看微波東阿親阿非拜債王墓高郵憇露筋祠覺漁洋行人繫纜
月初墮門外野風開白蓮真絕唱也五月抵家

十七年丁酉三十二歲正月小疾謝客日臨古帖數行三月蔡竹溪徐竹窗兩
外舅先後卒夏秋間里中問業者衆選明以來時文六朝以來律賦各二百
篇授之

十八年戊戌三十三歲正月赴會試至揚子江守風登焦山飯松寥閣流連竟
日揚州游平山堂二月十八日抵永定河大雪夜半始渡到京寓江霞會館
出場接家書是月初六日午時長子葆澗生後改葆源又改源榜發薦而不
售謁本房翰林院檢討鹽山孫蓮塘先生在元偕福建竹鄭陸三孝廉兩旋
重九登平波臺展東溪公乙亥年脩禊卷名人過往留題者夥重付裝池仍

傳守僧藏之

十九年己亥三十四歲聞豫行正科復思發憤下帷顧未能如乙未年屏絕塵事也三月二十三日選之弟婦凌氏卒夏平望建文昌閣時裕魯山中丞檄州鄉會試費銀兩吳江令周某廣招告訐藉端勒罰閩邑驚惶震澤范明府頗效吳江所爲經余勸止事亦辦范明府自負相術謂人曰此君佗日必作鐵面御史百庭叔鄉試中式

二十年庚子三十五歲正月選之弟繼娶王氏二十日赴會試至清江聞

孝全成皇后升遐二月二十一日入都寓江霞會館頭場文題如塚如磨者自脩也
卷均無貧和無寡用下敬上四句詩題楹楮思永得謨字四月九日榜發中式第二十名本房福建道監察御史善化陳慶覃先生在座主大學士軍機大臣吳縣潘芝軒先生在戶部尚書軍機大臣潘州隆雲章先生文禮

都尙書仁和龔季思先生守王戶部右侍郎諸城王稱塘先生瑛速齋叔

中式八十二名亦出慶聖師房十三日

保和殿覆試子曰不憤不啓一章賦得金人示戒得言字列二等第三十五名

速齋叔一等一名二十一日

殿試二甲第六十二名速齋叔二甲一名讀卷大臣潘世恩芝軒湯金則敦甫

祁垠竹軒廖鴻藻鍾夫沈隨馮芝晉園麟魁梅谷王樵曉林諸先生

二十八日

朝考子罕言利論去貪吏厚風俗疏賦得霖雨思賢佐得心字入選第七名述

齋叔六十一名閱卷大臣穆彰阿如勳湯金則敦甫廖鴻藻鍾夫許乃普洪

恩桂小山朱樽揚堂麟魁梅谷王樵曉林杜受田芝農徐士光辛庵諸先

生五月初七日

國朝國勢政績引

見與遠齋叔俱改翰林院庶吉士接家書四月二十四日次子保冲生六月初一日

遷院大教習 大學士王定九先生隆雲章先生小教習孫蓮塘先生應

課外與遠齋叔翁築房 吳懷客 李采卿 諸同年結賦會是年

六七月間嘆夷寇邊定海鎮海失守海疆告警

二十一年辛丑三十六歲正月與沈遠齋移寓米市胡同關帝廟降雲章師以

參贊大臣同結逆將軍奕公山赴廣東辦理軍務二月日疾聞三月與卓鶴

溪以李受之 寓海澱集賢院係部院諸臣保值公所時丁香海棠盛開園

林清曠昔太荒蕪十六日

國朝正大光明殿散館席珍待聘賦以與治同道因不興爲韻賦得處時南

若得霖字列一等第十七名遠齋叔一等一名二十日

殿講經侍郎自定年譜

十三

出入賢良門引

見俱授職編脩余仍寓江震會館五月雲章師卒於廣東謚端毅接家書冲兒四月二十四日殯剛周晬也八月十日請假偕同年汪安齋庶常南歸九月進濟關遇逃兵洶洶知

欽差大臣蘇撫裕公謙殉難甯波余回籍後閉門稱疾日侍北堂冬揚威將軍奕協按察叅贊大臣文侍郎督師浙江過平望隨員陳柳平吏部招余偕行辭之

二十二年壬寅三十七歲正月與二式選之弟排日家宴爲吾母及伯母歡此樂後不可復得矣二月五妹適平望唐蘭皋_起西霞澤附貢生候選訓導四月曠夷犯乍浦崇南船廉訪_以至平望防堵暇輒過從徐石卿自秀水避亂吳門禹甫橋辟_置園小築余往信宿觀主人顧湘舟_說歲元明

國朝書畫便而册數百頁游定慧寺觀坡公像暨公書歸去來辭石刻時海氛日熾寶山上海皆陷京江繼之說言旦夕且逼姑蘇六月朔日食晝晦秋王友杉以所著毛詩集說相質囑爲序黎川新祀徐侯齋先生祠山民丈囑爲記逆夷就撫南北漸通余料理家事抽定兼了詩文債蔡可階爲寫卷湖留別圖十月十三日拜辭堂上肝腸寸斷初不料吾廬吾里回首卽化劫灰也還之吳瘦山丈送至詩園返陳柳平隨揚威將軍駐紮惠山過訪焉登焦山遇叟少尹同游飯松寥閣對狂風怒浪益深去國離鄉之感寺經夷匪蹂躪僧徒逃散僅存老衲數人言夏秋間兵燹情形慘然在日十一月十七日抵京寓賣家胡同周應芝宅接家書是月七日寅時三女瑤笙生

二十三年癸卯三十八歲正月遣僕史茂春回南接眷二月夜有白氣亘天數

句乃減與慶琴勛

車笠渠

馬介樵

吳仁波

甘薪剛

齊鏡侯 諸同年會課三月十日

正大光明殿大考如石投水賦以陳善閉邪謂之敬爲韻烹阿封卽舉論賦得
半窗殘月有鴛鴦得爲字列三等第七名十四日引

見遠齋叔以一等二名升翰林院侍講學士五月六日

正大光明殿考差使諸大夫國人皆有所矜式故天下有道則行有枝葉賦得
角黍得經字十一日引

見七月初四徙鐵廠大溝沿初六日程夫人紉兒女到京余始授源兒讀有事則內
子督課罔七月蔡左香來下榻應鄉試接家書前七月十二日二式弟婦吳
氏卒八月

源鄉試磨勘官九月充

國史館協修一統志送遠齋叔赴山東學政任

二十四年甲辰三十九歲正月同琴舫鶴溪芸渠新圃胡春江悛注蔡梅魚姚
良卷會課三月接家書二式弟繼娶吳氏十六日爲本生妣趙夫人六十壽
辰稱觴四月百庭叔會試中式尋改庶吉士十六日

正大光明殿考差其未得之也六句謙也者致恭以存其位者也賦得君臣一
氣中得公字二十六日

勅改殿引

見十二日

命充湖北副考官正考官爲會少平其後改欽前輩請沈述齋授保源說七月
朔起程二十五日抵湖北應山境四面皆山山皆脩竹八月朔至漢陽慈學
使行轅爲錢大侯故宅營神渡江遷省城關帝廟循例入闈監臨巡撫趙炳
言外提調藩司朱士達外監試臬司陳功提調鹽道程煥采監試漢黃德道

陶樸內監試候補同知王本立內牧宰署南漳縣姜國祺同考官通山縣金寶樹應山縣李湘甲興國州陳師魯黃安縣許廣藻揀發縣福昌阿毅城縣安慶瀾恩施縣楊松磐大挑縣梁光釗孝感縣曾維植試用縣張中孚頭場題令尹子文至何如天地之大也二句况居天下之廣居者乎合下一節水繞蘆花月滿船得秋字有第八房梁令薦卷甚高淡已擬中矣查刻文則首篇係乾隆乙卯陝西元著也九月五日揭曉中式孫玉田等四十八人副榜潘紹坤等九人赴黃鶴樓公譙兩次暨撫學司道譙陳毅齋廉訪贈高防山水水軸余同案友褚大舟落魄楚中來見爲薦與陶見鄉觀察二十日旋京駐漢口姚雲階觀察招飲意園登四屏樓出黃鶴晴川上十月經保定飲陸立夫方伯署二十五日到京次日赴

閏二十七日與少平具摺覆